

四庫全書

集部

欽定四庫全書

集部

緣督集卷

八五至

詳校官庶吉士臣謝恭銘

主事臣呂雲棟覆勘

膳錄監生臣卞爾巖

膳錄監生臣劉錫珪

欽定四庫全書

緣督集卷五

宋 曾丰 撰

五言律詩

曉行

已離南康縣不知何處村
荒郊霜灑道野店天應門
市尾人聲鬧津頭水氣昏
雲開雙髻出髻髻月梳痕

暑夜露坐

出坐日初曛
歸眠夜欲分
竹濃猶漏月
風橫不容雲
霧

露氣相薄星辰天自文更深羣動息地籟可堪聞

靈洲妙高臺

水心浮出石洲背湧成山草木仙家種樓臺梵氏關
全輸緇衲老長與白雲閒隔岸風烟好終嫌是世間

送曹伯高二首

絳帳橫經後青燈曲几前酒杯間留坐茶椀幾忘眠
虛受口三益平反詩十愆未闌賓主意相約更明年

筆研為謀左風霜與歲瀕犬吠如不夜雞噤似無晨
杖

屢喚行客衣冠辭主人願言偏強飯涵養竇庭椿

管文徹通易學

世業餘方冊生涯只短檠韋編閒裏絕髀肉暗中生憎
遠終難免憂貧似不情諸公題品價自可比連城

書張必遠詩詞卷首

詩寫水雲真詞傳花柳神溜脂松濯濯凝粉竹津津色
者空中幻聲其寂裏塵願言收視聽其細入無倫

春夜感物書懷

閭閻蛙鳴夜嘈嘈鳥語春物情猶任理世事宜由人時
自有遲速道初無屈伸聖賢得貧力吾恨不全身

出郊

曉欲晴還雨春疑蚤又遲勾萌麻埃命穎拔麥乘時水
有浮天意山非入俗姿野人逢野景相愛似相知

觸興

山向南逾禿江歸下轉清鳥那容久立魚不及潛行雲
外鷹機動沙頭鷺意萌信為吾道計切忌太分明

路見

公途羈況惡觸鼻野花香買酒行如失搜詩坐似忘不
能為醉聖寧敢放醒狂家圃舍風盡無聊祇自芳

題譔氏奉先亭

大協龜岫兆新城馬鬣封雨餘生亂草霜後拱孤松泣
酌春秋酒顰撞旦暮鐘若無翁仲在誰鑒答恩胃

飛蓬自解

有底重安土若為輕徇流羞隨草木腐樂與汗漫遊凡

是性如水固然生若浮勿嗤吾潦倒天地海之漚

題曾見卓時思亭

自幸知韋布相期到廟堂一朝天奪鑒千古地理光
春雨松凝鬱秋風草委黃德公三酌罷頃刻九回腸

夏季宿省前董家樓

明朝從伏末今日幸秋初御閣斜陽裏天溝小雨餘
風吹塵陌靜月照堊窓虛一枕三更夢清涼意自如

新淦陸伯仁過我錢塘逆旅中漫出詩編輒蒙

賞音敬賦短章相謝

自從刪變雅誰復許離騷顧我知音少逢君著眼高江
山成疾錮笑語破愁牢勿浪相鑿切姑從養處搔

庚戌三月赴官離松江道中

好風消雨鬱惡水長泥淫戲哢鶯饒舌狂遊蝶放心枯
萎青未了紅紫老相尋物與我為一嗟餘只自瘖

都下卧中

屋密風傳令窓虛月漏明九衢朝馬動四壁候蟲鳴街

吏高呵道衙官急殺更人行吾尚卧自分利名輕

臨安主人出水塊佐飲曾簿嚴宰同賦

久在京塵裏仍當伏暑中眼逢銀色界身落水晶宮有
客清相似無人白與同雪兒不可作隨意酒杯空

潮到看人發舟

潮信猶為小風聲未至雄船輕爭向上江闊敢當中持
後柁宣力當先帆用功區區篙櫓槳罪與素餐同

候潮錢塘渡

眼厭紛華久身離闌闌初市聲方較少春色況猶餘海
沸如中熱山浮若內虛坐窮消息理萬事付乘除

葉丞相之孫潛仲後余至中都同館相與談易
累日先東歸敬賦詩送行

客裏幸相逢青燈幾夜同笑談機械外操履準繩中學
問闕宗旨功名襲祖風江船不吾泊遽載易而東

感梅

浪爾逢時早終然受命孤性便行所獨物忌與之俱巢

許耳難浼夷齊腸莫汙十分要相稱太素可為徒

臘月被檄下豫章至南安簡曹宰

擁卧聽衙鼓傳呼輟坐曹庭前人跡掃門外市聲鑒餒
立鴈行少寒歌馬骨高寧教循吏傳書拙不書勞

日月迎春急江山送臘愁歲窮猶被檄途遠更乘舟家
累已相逼官身那自由欲從公款憩公更鬱眉頭

窮冬長途觸物遣興

蹠躔牛歸柵翔翔鳥認巢垂雲低暗水倒影上明梢春

宜有偏意梅未破苞吾心已忘物聊與物相嘲

贛東江

兀坐順流中吾歸與便逢窠家俱瓦汲灘戶半機舂艣
作傷春響山為媚客容江鷗凝不動識我舊行蹤

龍岡

堂堂馬鬣封清淑鞠其中庚戌歲行遠熙寧恩數空石
羊委荒草木鶴矯清風弔古淒相慨蒼然十八公

十六日立春舟中晚眺

風住帆維軟人齊艣響勻津橋橫汲具岸樹掛酤巾亂
石知何處孤蓬任此身三歎謝陳歲一笑接新春

出會昌峽

石峽侵尋過江流次第平篙人輕去住船勢任縱橫穩
不妨危坐忙猶得意行明朝從起晚但要到州城

舟宿會昌十里間

石是窪樽樣山如土鼓然空猶餘樹木了不見人煙辦
治豈容緩拊摩那得專意中無限事夜半不成眠

餞趙提幹次李彥中韻

解組圖南日攜壺賀夏時三杯幾絕倒明日兩差池足
跡隨蓬轉顛毛與雪期我愁行未得更賦送行詩

會昌號湘江江岸有小峴亭癸卯六月與瑞金
吳丞飲其上二首

湘水欠湘竹峴亭非峴山休論真勝假且幸冗偷閒
底方塵外闌干更樹間哢禽如語我劇暑未宜還

占斷江西景臨川擬峴臺今猶千里隔我更幾時回幸

此亭相似非公坐莫陪古今隨水去風月送詩來

題南康呂丞哦松軒

位嫌旁見逼權忌暗相侵李下無留跡松間可寄音不
平風弔古無賴雨傷今盡數歸君律隨機寫此心

弔落梅

佛來非墮有仙去豈超無寧可死歸潔莫為生合汙出
餘純白在入與太清俱百世下回首高風立懦夫

向察推士仁檄至會昌賦所懷呈二首

文簡家風淡薌林句法清今能傳幾世君復擁全名猶
及識前輩未嘗輕後生崆峒風月裏許我共詩盟

若此溪山惡其他州縣無豈期公骭髀而為我馳驅錢
穀豈餘事音容非故吾使君如細問為道費枝梧

隆興貢院呈彭國壽

名士江西少廣文胃次高欠人扶此道得子慰吾曹學
問揉圭角功名添二毛宜春文藝傳他日蜀王褒

再自隆興還遊至德觀

水眼通三島波心湧一峯兩崖懸石穩千古怒濤捲呵
鋤毆游蜃鞭雷起蟄龍仙人有餘量事了豈留蹤

與鄧繼高望沙山同賦

先喜見沙山俄藏變隼間雲非奪吾好天固與人慳未
遽清風起何當舊觀還崢嶸終莫揜茲且聽潺湲

月明復翳

大鏡為誰圓非昭莫破昏澡身翻渤澥輝德掠崑崙有
狗疑相食何蟲欲見吞光明法眼藏點澆不成痕

潘宰孟的見余三生圖詩廣一篇見示再賦謝之

擔水誰家渡牧牛何處村未能逃劫數猶是弄精蒐毛
穎含雲凍鷺溪帶雨昏強從泡影裏摹摸去來痕

贈顧君美

三命何如李五星孰似袁目前談者衆足下悟其元歸
養老和病看耕田與園他無可推步君往扣侯門

贈游子信

可言詩已矣多學識之與牛尾繫經始羊腸殆緒餘江山開闢後情性渾成初機械相融處真誠可起予

孰是文之用茲其道所藏典謨書渾渾鼉董策洋洋唐宋建長筴韓歐蹈大方過庭詩禮次歸更議其將

復用韻呈黃教授二首

程子軻而下韓公漢以還彼非孤所上人莫奪其間死後虛名滿生前實效慳如吾謀向背其決不勝艱

有底杜陵語不驚人不休筆端非外鑠冒次有天遊自

發人三歎而銷我四愁忘其舒若疾何適不猶猶

自豫章還贛至萬安始得風

解纜將逾月歸帆始遇風只消三數日能得幾何功天
意非相簡詩人固自窮江山清絕處吾享亦吾通

秋途暮息

密密初秋雨蒙蒙欲暮天牛羊爭欲下車馬敢求前蟋
蟀挑孤詠梧桐攬獨眠反身無一事夢到汗漫邊

別林和卿

夜榻無高枕秋燈有短檠嗜書如女色獻賦若金聲豈
是長貧者何其太瘦生功名猶欠子子不欠功名
甚矣身如幻加之跡若浮妙山孤憫儻良友貳遨遊水
挾月涵夜風推雨鬱秋物來吾不拒隨件以詩收

解任登舟離胥口

挈挈離胥口駸駸到峽中江平無駭浪船穩不驚風逆
水從難上兼程與易同家人解吾意呼酒犒篙工

送參議劉仲洪就京制置辟入蜀賦二章贊其

行

蜀屈嚴君子先聲到處驚
幕中添老杜關外得長城
渭上屯田便山西買馬平
願言賓與主無立小功名

江西清絕處頻賞厭還休
快作坤維去閒為丙穴遊
百牢山倒拔三峽水橫流
未有人收拾公其與筆謀

送鎮江張禹功獻邊未報過建康謀辟

邊上事千種袖中書一編
曳裾逢白眼驤首隔青天
又輟安劉手而撐訪戴船
嚴公猶欠士應辟老詩仙

至漢灘訪陳梗臣

雨速荷團碧風摧麥擺黃又容春白過誰使我乾忙杖履詣同社江山駭異鄉醉談平日事歲久不無忘

送管長源之子光祖往謁周益公

齒德兩崢嶸嚴君漢伏生勗哉恢學力行矣赫家聲一代道宗主三朝人老成金篋容刮膜管取眼增明

送中書舍人鄭惠叔入國二首

北籥輕用武西漢重開邊幣帛毫芒費生靈百萬全幾

馳銜命使今輟判花員專對從容道君王正樂天

萬里出疆車驅馳過故都離離京國黍獵獵塞垣榆城
邑堅和脆山川逕與迂要歸奏天子潛筆寫為圖

吳必顯欲遠出謁故舊愬情悃賦二章贊其行
燈火頭蒙垢年華鬢茁絲詩書猶見負韋布未相辭有
處可彈鋏何愁無置錫丈夫行止計不必問妻兒

貧寧少壯貧貧到老難禁兒女婚姻逼風霜疾病侵令
渠看白眼見子亦寒心況是舊相識人人義斷金

贈五行家董季謙

奴隸侯千戶屠沽祿萬鍾書生無此望造物不吾容漁釣其清職田園乃素封煩君試推似天意合相從

坐病不及赴少卿羅春伯登樓觀雪之集成
小詩馳呈兼簡何同叔判院徐用之帳幹

飽送歌眠美寒添兀坐愁從雄容有酒訪戴豈無舟怯
出風前立妨陪雪裡遊想餘鹽絮句題遍仲宣樓

續赴羅少卿飯

孤吟成錮疾旅坐失牢愁晝氣溟銀海春風拂玉舟
談諧狂後出汗漫醉中遊已忘行藏事從渠自倚樓

中都邂逅新崇德宰范繩之為同館著語贈別

文正三槐宅延平六桂家芝蘭含露秀鵬鶚著風斜
螭首終簪筆河陽且種花乘時長得意毋忘夜分茶

秋日途中

祝融辭退舍少皞出專權清氣露之獨殺聲風所偏
林凋光漏日水落影澄天每出皆秋季與秋殊有緣

甲辰婺女道中過重九

節到重陽日身為千里人半癡黃口子多病白頭親熟
浸菊英嫩輕揄菜糝勻旋沽深巷酒強飲不成春

赴廣東漕屬有感

草木歸根隱昆蟲入蟄深若為吾自覺猶與世相尋江
月幽人態松風大雅音紅塵任相袞終不點初心

丙午中元留羅子琳小酌

送客獨留髡慙慙共一樽星辰冥碧落燈火耿黃昏笑

語渾無間詎諧雜不根遣詩邀月出相與答中元

過達磨泉緬懷東坡

分野秦南海城池漢尉佗功名徒自苦寒暑暗相磨破
寺容僧少枯松閱士多我來空想像百世一東坡

大庾北崖梅晚發

中州梅較晚大庾合先之已似得南氣不應留北枝天
工新坐懶春事故教遲蜂蝶若知道恬然不怨時

中元日登越王臺望南海

僅從乾道歲重創越王臺粉榜猶餘墨丹楹已上梅舊
遊人欲厭今日我方來老范碑無恙從頭讀一回

乙巳中元日乾坤半月秋危臺掀突兀老樹攪颼颼北
客眼生處南方天盡頭海槎乘興去咫尺是瀛洲

公餘野立

文書聊却掃耳目且恢張海大水歸往山深雲退藏春
雷溫也厲晦月暗而章萬象相關處悠然興味長

得廣州俸米供給歷菴授家人

陶潛營五斗王績辦三升醉飽曾無幾驅馳已不勝猶
須餬汝口未果枕吾肱有司可饑渴休官豈不能

東廣西漕廳久廢馬少卿葺為簋廳

前廳長貯馬後閣久盛薪豈料廢臺治猶留延幕賓壁
蟲悲往事巢燕笑來人更過十年後如今跡又陳

暇日集越王臺

著脚卧雲室回頭蓋海亭水為三面白山作四圍青野
鳥餘清弄幽人得醉聽簋輿不容款徐思渺南溟

七月二十五日為廣州蒲澗節鞏帥相招坐上

默營兩詩

侵尋逾七夕次第到中秋蒲澗廣南節熊車城外遊杯
盤收復出賓主勸還酬痛為江南飲離騷不讀休
石激幽泉響風排古木號離城未多遠去地不勝高出
處向來誤是非何處逃安期相領畧回首付兒曹

五羊遣書問董仲脩

八面海風亂四時天氣均常饑皆藥物熟客只醫人筆

研為謀左烟嵐與死瀕僅從危後飽姑以健償貧

檄往校旁郡藝舟行值董仲脩來赴漕試復小

艤相揖叙乃行二首

吾方懷檄出子恰負琴來津次俄相值船頭且暫回大
鵬風翼起老驥雪蹄開南斗無多避餘星不是魁

命為天所左身落廣之東剩有南歸燕全無北至鴻夜
懷渾欲惡秋事半歸空重九黃花酒猶期一笑同

丁未上元後二日得老兒穉子平安三日得三

從四十伯五十九叔計

夜窓燈黯鬱春枕夢交加二父隨朝露餘生任歲華倚
廬晨復夕占鵲驗還差為報兒曹道先收待客茶

姑無忘冢婦祖未識頭孫路遠徒惆悵書來得慰存冬
無餘穀粟春可養雞豚切勿廢生事看人飽更溫

羅子琳來就廣漕試余以檄出至西江峽口懷
古感興兩篇寄子琳後篇救子琳窮病也

自朝連夕去由海入江來紫石巖前出青山峽外開秦

貪徒郡縣粵僭強樓臺陸賈嚴夫子千年一倚椀
摹寫閒泉石雕鏤病肺肝得無縻歲月終不補饑寒上
固詔求士誰將詩得官何如經學熟隨計上長安

送副將胡義民到部復還廣東

等是天涯客同為嶺表官曳裾行躡履持板立駢冠簿
領無多暇杯盤未盡歡黃緣離復合爛漫醉長安

又

誦史胃翻海談兵氣拔山犇馳非得已矍鑠未容閒瓜

戊開年赴梅關趁臘還同僚如問我炊玉待春班

寄殿院謝良齋

元祐烏臺士江西董白鬚

敦逸

節因文母立名與道鄉俱

鄉

耆舊流風遠衣冠後輩孤此公今復奮吾道得相扶

穩著雲霄步高裁獬豸冠簡霜凝處冷姦膽落邊寒奮
臂有餘勇櫻鱗不苦難平生功業意莫到晚年間

汨汨孤蓬轉迢迢五嶺來故人饒鶴髮新論凜烏臺千
里夜間月一枝春首梅使行無好寄書到莫慵回

河鼓聘天孫
昭君未出村
非關媒不善
自是命難婚
無貌傾人國
何顏倚市門
隨緣幽閣裏
刺繡度朝昏

靜坐

履歲投正月
攜家到五羊
清明郊外好
朱墨幕中忙
得病疑風土
逢人問藥方
所傳非所信
靜坐得心涼

窮冬積陰

將雨未成雨
久霜無復霜
青天方變色
白日且韜光
乘勢羣陰逞
歸根萬物忙
猶餘南過鴈
歲晚客他鄉

冬旅懷歸

周正曾未了秦臘又相尋
風日留餘暇乾坤失衆陰
鳥翻南至影鴈墮北來音
黃落歸根葉前陳示意深

遊烏石寺

縹緲崖懸屋崢嶸峽亘天
我疑家玉帝誰道宅金仙
鐘鼓風雷上星辰燈火前
眼高胷次大沙界眇三千

贈術士

莫辨田為活猶貪祿代耕
區區營一飽厓厓了餘生
幸

脫蛇驚犬休談戊食庚他逢豪傑士口莫惜公卿

贈日者陸道人

象豕該無極著龜識未然學窮精髓處談入髮毛顛著
脚九流外回頭三畫前屈伸皆在我造物更無權

自省

肺肝供物態鬚鬢管年華眼閱世更變口談時過差眉
因公道感手為貴人义點檢通身事都無益自家

靜聽

靜聽鳥相喧其中有意存提壺愛賓客脫袴惜兒孫氣
結遼城怨聲銜蜀帝冤阿誰能細譯收拾入方言

初秋夜歎

髣髴蟾蜍影蕭騷蟋蟀聲秋隨桐葉到心與鬢毛驚舊
出斑無數新添白幾莖百年成底事攬鏡若為情

贈高山人德克

渾沌包元氣支離入九流陰陽從此有源委問誰求眼
法窮山脉囊經掛杖頭卜吾新築處相伴得沙鷗

三山寺戲堂頭僧二首

竹不容塵入山寧與俗交
開門懸梵偈置榻解僧包
不見肘生柳未聞頭戴巢
葛藤非我事笑語浪相嘲
晝熱催三伏宵涼報五更
鐘鳴塵外響犬吠世間強
聒蛙鳴雨講張鳥噪晴
黎明重睡熟栩栩夢龜清

--	--	--	--	--	--	--	--

欽定四庫全書

綠督集卷六

宋 曾丰 撰

五言律詩

端午家集二首

自我生壬戌于今到戌申殊無送端午獨不負嘉辰裹
黍金膏凍糜蒲玉屑勻未能全免俗杯酒饗家人
戲纏朱綵索爭帶赤靈符踏草仍懸艾包菰更結蘆都
還癡子弟半出騃童奴老病無他好惟餐朮與蒲

再遊南華臨出門書記妙瑩獻絕句索留題賦
兩篇謝之

詩數江西派禪歸臨表宗他寧無出手終莫敢當鋒欠
子廣長舌資吾磊砢胃打飽隨牒跡宜料適相逢

社裏得詩僧錚錚可正平子今能發願吾亦語同盟不
轉虛空話難歸雅頌聲金篋容我刮管取眼增明

贈五行家余舜舉

火輪窮曠劫初度起秋毫一寸心能照三千界莫逃許

吾無乃過竟此未相遭使有相遭處天其損我高

顏臘獻歲之交出贛向韶緬懷偏親簡介弟幼
能

水出猶諳贛車行未習韶忍看鳶跼跼愁聽雨瀟瀟豈
不欲歌棣寧無工頌椒妻兒環坐外笑語與誰聊

游稚周和余韻見示復答之

韋布窮無濫軒裳貴莫淫一家兄弟學千古聖賢心去
道不能寸持身肯枉尋他年鳳鳴處百鳥定皆瘖

曲江值歐陽伯起舟行至封川

清望醉翁族俊聲童子科三千新奏牘百二舊山河孰
是披沙者其如抱璞何世終無棄劍越砥可重磨

庚戌冬乘院隙謁西林寺漸老

下走長呵道前驅疾喚航足羸黏屨淖頭羨颭巾霜澗
淺橋梁廢村深道路荒不關為政暇猶為看山忙
傳衣今北秀駐錫小西林握手鼎相別敲門踵見尋溫
顏塵外禮軟語法中音從此利名垢那容點我心

衡陽合江亭

經過西溪勝追尋後洞幽江形入鷺尾石勢湧鰲頭至
止岳餘氣歸歟湖合流酒杯饒不下千古弔湘愁

舟行艤韶下石夜聽

江響合蠻吹鳥聲諧越吟仍收南郭籟併入大韶音纚
纚聽於耳徐徐寫以琴儻猶有餘韻著語付何陰

衡陽西溪

眼底西溪少碑間北客多雪霜風日剥歲月姓名訛後

有詩堪勒傍無石可磨可磨懸絕處留勒中興歌

遊齊覺寺

築寺依橫嶠開門對短汀聞之心已渴見者眼皆醒水
瀉鴨頭綠山排螺髻青他無避地處得此可忘形

不謂僧遊息猶容俗往還薰爐煙縷縷茗椀雨斑斑到
坐移門外攜樽置竹間小詩題歲月多助得江山

遊南山

氤氲猶積氣膚寸忽層陰甘雨新來足青山舊隱深隨

緣酬萬物聞早遂初心彭澤曹溪意亭前無古今

贈術者朱明遠

占得九流籍名為三命家逆推枝上葉翻算海中沙吾
數豈其偶子言無乃夸相過勿浪說同飯更分茶

五嶽精華裂三光度數分人才非是少事業未之聞信
道鍾南氣難教策北勳中原流落士物色試煩君

挾術有如子那須要我詩曲江何處住全廣是人知未
官中都者猶期大貴誰今言他日驗人口勝如碑

庚戌赴官過王俊臣門留別

師道非韓愈門人有孟郊未投攻玉石已拔塞心茅衆
妙俱神悟殘丈尚手抄江西盟社裏他日續絃膠

秋日自適

燕方無去計鴻已報來期老火晨相謝新涼夜見私
耽書燈可眼渴睡簟宜肌好處分明是橙黃橘綠時

猶子松字茂之者慶長兄之子也有志於學頗
樂從余遊歲在庚戌偕至廣西談經論文次授

二詩

迺翁窮古學之子廣家聲頭不容高枕心無外短檠床
頭周易熟角上漢書精更得賢師友終當大有成

鯉非慳授伋點豈吝傳參內棄元和脚旁求一祖心能
容石攻玉會使鐵成金十訣先傳九餘其默自尋

秩升得朝散告歸

名似龍肝爾實如鷄肋然言之為下汗愛者至垂涎兒
輩喜忘寐減徒舞欲顛未深知我意再拜賀於前

癸丑秋遊疎山首坐璣上人以其嘗在五羊相識求詩

達磨泉華湧曹溪水綫開何從南派出而過北宗來眼
勘江西破肩擔法窟回少伸龍象蹋無復說黃梅

贈璣上人

幼拋南聚落晚據北叢林道貌枯中澤禪機淺處深山
腰雲出沒水面月浮沈賈島勘還破牢籠付一吟

五月一日薄暮至三水倚檣歛枕

皓月三江口青蘋四岸邊風頭橫立海水面上浮天陰
氣猶能弱陽威不敢燃夏行秋月今造物相吾眠

出清遠峽

水石三過峽江流四望平鳥經波面疾雲泊樹頭輕晃
朗天光合溟濛海氣生且停篙與槳遲速信船行

贈浦城星家周廷輔

曾中千歲日掌上一天星河洛無餘妙著龜不敢靈曾
何便自旺也不忌相刑左右逢原話公卿滿意聽

贈臨川蒲城昌鄧二術士

試出希夷手偷傳混沌機不容天地遁可使鬼神歸為
我推奇偶從今驗是非萬猶失其一却更問麻衣

龍母廟

母乘乾變化兒主震神通江海藩籬內風雷掌握中水
居依罔極血食至無終為在扶桑國曾收夾日功

失題

嶂合含元氣巖呀吐太陰崖根連地入石笋與天侵堯

舜成陳迹英韶寄古音黃巢徒堰水遺臭到于今

贈陰陽家謝子美

心變掌中卦地翻天上星肩擔一盤古背負幾玄冥鶴
失銜禾瑞龜忘食墨靈擬修方士傳乞換左仙經

王俊臣嘗從余遊己未冬訪別於廬陵郡庠

師席我虛設道機君飽參玄初疑若白青卒過於藍蟻
戰何傷北鵬圖不日南江臯離思久烟與水相涵

寄衡陽尉徐智伯

千古南昌尉神仙姓梅久歸天上去重謫世間來照
乘無人市傾城不自媒穩乘高士轂自有鄭莊推

刺眼縣門柳縈心家園梅懶為彭澤住羞見督郵來藉
有湯行聘要無石作媒吾非痴謝今自去不須推

衡陽容有鴈嶺表得無梅半歲人南北中宵夢往來燈
為探喜使酒作嫁愁媒莫決猷門句幾經改作推

除日送龍涎香與宋評事

除夕風霜節家人錦綺筵舌頭餘鳳髓鼻觀欠龍涎玉

餅聊分餉金爐試一燃更將國香匹何似海南烟

半載隨蓬轉中宵送夜分酒供文字飲香對聖賢焚羨
子迎偏老呼兒酌細君勸酬交錯裏款款熏爐薰

梅月客廟山厭潤思霽

雲漫山若沒海漲地如沈人已苦卑濕天猶容衆陰非
闕河伯濫自是雨師淫上有太陽在何當一照臨

辛酉中秋前後舟行自英入韶晚與全真妓傳
杯

山色秋分後月華霜降前
況方行水國而復遇晴天
萬象入搔首百懷歸扣舷
傳觴非主禮聊爾勝徒然

嘉泰改元季夏中泚經從武仙時尉仙素君攝
縣事載酒相勞苦敬賦小詩呈似

道出武仙縣因依識尉仙
貌相交以禮心自許其賢
學問追前輩功名付晚年
漢庭偏用老歸路在凌烟
言別富沙上回頭五六年
試詢今健否見謂尚依然
効意傾新釀忘懷誦近篇
尚其頻記憶曾此一留連

渡海後自北流縣過鬼門關

抽身龍伯國著脚鬼門關
每每經從處皇皇險阻間
不支生所忽有立出於難順
境成人少天初不是慳

久與廣西帥年丈左史張舍人別自瓊罷歸過
靜江相見

離年稠似髮契義重於山
不計命窮達猶移書往還
匿藩新位貌開燕舊辭顏
勘破詩大處吾其得訂頑

直鉤追古道方鑿背時風
得不坐三黜曾何銜五窮
物

情難後獲天理室斯通李絳鸛書裏能無孟季同

檄至德慶舟中晚眺

雨過山毛淨潮生水面平羣鷗團晚色一鵲發秋聲所
至好為客其容寬作程吾癡愁不了愁亦太癡生

自入南與二陸丈遊知其為侍郎族也小陸丈
新除欽未拜命而大陸丈丙午六月既望赴德
慶三首

屈指江山好南中古晉康龍潛開王氣燕寢貯清香恩

數優新守君王奉太皇政成歸奏最小陸亦為郎
郡有宣公集焚香手自翻要酬民所望許踐祖之言牛
豔途坦魚那厭水渾不將漁廢牧亦足報君恩

取道嶺南邊熊車相後先同時持紫橐指日復青氈契
分膠投漆離情雨帶煙吾窮公富貴忽廢往來箋

八月上澣夜與張元輔張子濟小飲德慶貢院
聽簷下蟲聲

金氣涵秋晚銀河耿夜晴天塗雲氣淡月浸桂華清露

坐疑僵髮風餐欲冰

去聲

羹壁蟲不相亮更作戒寒聲

君舉再飯五峯閣四望

城中無隙地閣上有餘天白雪重湖浪黃茅五嶺烟高樓南蜃湧大字北鴻連總是詩之具收歸作畫傳

厨雞竄房中張元輔憐而賦詩余不能自己亦為一首

驚栖潛避影怯咏暗吞聲似惜千金命而逃五鼎烹肋枯那便齒皮瘡不宜羹肉食非吾事從今戒殺生

檄充晉康考官舟行薄暮緬懷諸幕兄

水作琉璃碧霞為琥珀紅因依光迭射畢竟色俱空鼓
楫乘秋氣掀篷納晚風長教涼似許拚得住南中

居官思歸

有性非便閑無謀可取閒顛毛新雪旺臉暈舊朱慳槽
食馬懷土棧居羊樂山若為陶靖節未賦烏知還

落葉自幸

恬受照之賜怪為寒所干搖空危自落卷地亂相翻醉

雨纔狼戾驕風又虎賁顧何嬾逐未曾不礙歸根

何熙績生墓

圭華逸民宅羊鷄處士衣人才於古有天命與時違初
不厭肥遯終何辭大歸初終兩題目君自一其機

有悼

苧麻功敏裕蘋藻意精忱和氣分珠樹悲聲寄藁砧一
天無後望三紀有初心后土相知處千秋墓草深

挽上官茂叔

讀書初有激知命復何營
熊掌酒中趣鴻毛身後名
山川掣寶氣學校戛金聲
老驥隨駒逝若為泉下情

挽張郴州四首

輕甘相潤澤清苦自磨磋
數矣充周賦憂哉中漢科
上分之左竹公付以南柯
天不憖遺意其如人望何

四海鄭元樞三朝范石湖
相先騰鶚表自足濟鵬圖
芝檢豈欺我朱轡何負余
幸而廉吏傳名與泰山俱

永平稱善狀長樂沸廉聲
孝史行於世尚書薦以名
匪

朝金馬去有頃玉樓成不是文星墜文星復太清
鴻漸南中掾鸞喬西外丞華途於此奮厄算迺吾乘妙
學家傳鉢殊科世續燈茲其有以死名死實何曾

挽廬陵葛孝子母夫人二首

笄珥初歸室縑紉共起家清風依玉樹和氣茁蘭芽送
子歸黃壤收名入白華大書彤史上誰謂過於誇
雍雍瑟配琴詩禮五青衿四舉一門事三遷平日心桂
枝方日長萱草已春深咫尺青山裏蕭然隔古今

挽饒伯餘室氏曾夫人二首

歸相起家翁縲紲奮婦庸初心充四教末願滿三從已
已谿毛薦行行馬鬣封斷機遲後效黃紙責青松

始託得其地中傷乖所天心猶持七戒教不廢三遷大
本中孚卦繇文內則篇區區彤史筆未足遠其傳

七言律詩

尋春觸興

乾坤無計畱春妍擁在詩人耳目前桃帶酒容紅煦煦

李餘粉態白娟娟蜂情落魄華胥國燕思嫖姚兜率天
陽鳥獨叅浴沂意風前時賦詠歸篇

登會稽蓬萊閣讀唐宋士大夫詩

盤盤矯矯卧龍峯傑閣崢嶸龍腹中柱脚下懸危踏軟
簷牙高豁巧銜空江山互以青相繞雲霧時翻黑自蒙
物態任呈千百種倚闌吾自嘯清風

釣臺

四百年間將相誰豐功偉績竟何歸生前有忌榮招辱

死後無明是反非
麟閣故基為草鞠
雲臺遺屋與烟飛
桐江自漢至今日
依舊行人指釣磯

欲入脩門未果且留妙山逆旅書所見呈富陽

大夫陳晁國

詩肩重與轂塵摩
旁縣孤村邀我過
晏晝江山開闢遠
晴宵星月照臨多
眼為幻使不由我心
與空俱無復他
百里一輪大圓鏡
發匣開幘鑒如何

題朱虞卿懶居

天不與吾山水幽却於何處小葺修清風吾有術堪召
俗物自無機可投朝市眼為方冊制利名心與曲肱謀
高軒有扣北牕問人在義皇上一頭

題陳宗元拂雲軒

灘西地不愛其珍虎豹文章善自陳縹節猶儲何尉粉
緇苞不納庾公塵性高霜雪難摧折氣直風雷易拔伸
寄語穉龍無傲主主家今有似龍人

與劉濟叔論丈

著書夫豈易乎云不自鞭心不策勲望道初猶未之見
言天終不得而聞困於有極非皇極聚以無丈是至大
萬一未能全免俗寧為八卦勿三墳

富陽陳大夫遣二吏抄俚丈用寫道寓於丈之
意還以請益

道固無方實以書要於書悟道之虛雷風水火易經始
草木魚蟲詩緒餘萬理所歸為寶藏一真之外是蘧廬
俚編道欲相磋切不道亡筌自得魚

前仁和鄭大夫域載酒攜文過我妙山逆旅中
過我跼然驚見君無容膝處接殷勤火乘雲集下為崇
風挾水聲來解紛酒榼自隨酣盛德茶瓶相繼醒新聞
黃扉青瑣從今去大策清時翰墨勲

逆旅書懷

吾生宜客不宜家今趁輕舟傍淺沙天擁雲堆浮玉乳
波搖日影弄金花詩中已醉那消酒飯後雖醒可廢茶
安得長聞棹歌裏清風明月任年華

前仁和鄭宰僑富陽與陳宰往還以詩余寓妙
山得其所和詩後復寄一篇

宣化承流退自公優柔厭飫有新功先天堪破道玄北
後社推為詩長雄情性唐虞三代上篇章韶濩六經中
河汾所續吾其再首錄東吳兩國風

贈五行家唐克壽

初心半信術家流百諾于茲未一酬一行無非占不驗
北平終是命難侯雲霄許我乘黃鵠江海教誰伴白鷗

季主遊方逢賈誼慙慙勉為漢家謀

涉夏歸途

一意貪歸百事忘其如耳目觸吾傍女桑醉日多相靡
孫竹嬌風半自強螻蛄無稽言語泛蜻蜓固念性情狂
鴈鳩占盡世間拙未害云為蹈大方

呈吾宗茂夫

國初名下數三陳今代吾宗又有人兄弟已推眉更白
功名何慮骨猶屯瀟溪氣韻娟娟月康節襟懷盎盎春

奮迅發揮吾敢許穩登鸞鳳上麒麟

高宗永思陵

臣生差晚十餘年八彩堯眉僅一瞻
鳳出未能前附翼龍歸不及上攀髯
山頭鑄鼎爐長冷湖上號弓淚滿霑
漠漠穀林無認處城陽烟與草相黏

余出疏語示陳伯英伯英勉予讀傳燈錄諸書
因用羅子琳韻挑伯英要看一轉語

學結蒲團禪板綠黃梅衣鉢問誰傳
彌天北秀經三藏

曠劫南能偈一篇夢幻固知無起滅虛空安得有中邊
無人語此聞君至急著衣裳倒且顛

雨霽宿薦福寺遣問寺僧

松筠邀我梵王宮耳目俱醒骨肉融風雨收聲禪入寂
煙雲歛色法歸空出浮漚外不生滅從浩劫來無異同
問數比丘皆卷舌舌雖不卷亦無功

賦梅三首

萬物叢中要獨行榮枯不愛與時爭脩脩水性雲情重

栩栩仙風道骨輕飯顆一時工部瘦首陽千古伯夷清
未言鼎鼎功猶在雖竟無功也有名

作意偷春破隊行橫翔捷出不容爭窻前納月神光白
水上乘風穀漏輕違物行歸庶士潔傲時身中聖人清
賞音不遇林和靖也是花經第一名

素妃勇作探春行紅紫躊躇不及爭萬物莫移天性淡
一毫無累世緣輕雪霜得伴成三白松竹為朋免獨清
中壓羣芳外相混有名常處以無名

呈張彥容

風月性情狂莫羈簿書今不放人嬉舊攻日課歸乾沒
新負時名入坐馳白雪陽春挑我和高山流水結誰知
髭髯能羨非窮者恐到窮時莫罪詩

項堯章惠二長韻姑賡前篇敬復

飄然逸思發於天三百年間一謫仙歌調誰歟追白雪
頌聲行矣擅甘泉山林新築夢歸處學校舊遊愁到邊
回首不堪更開口相過聊復茗甌傳

張功甫見贈丁藁

王孫氣習窳儒生壯歲襟期老典刑疾俗如仇幾掃跡
貪書若癖至忘形風雲未會心先冷水石無遊眼不醒
獨据清高天不忌吟邊分我小鷗汀

直閣張功甫南湖集

百好何嘗一徇時游心上與古相追不容萬物移吾學
猶得餘功到此詩元酒太羹無痛快光風霽月有長思
披吟不足仍含咀吾坐若忘行若遺

京都旅卧

喜得家書睡不成，擁衾欹枕數寒更。
衝風鐵板俄驚曉，映日紗窻又報晴。
蹠蹠過橋朝馬響，咄嗟爭道擔夫聲。
利名失脚時回首，雖未能忘也較輕。

呈太府魯寺簿

吾宗昌大是蘭溪，沉在蘭溪最白眉。
闕足鵠行初養望，策勲麟閣少須時。
中原自古須歸正，上策從今要出奇。
公自可為蕭相國，求如韓信即今誰。

贈楊持正

國初天下一丈公子宣他楊未襲封大地江山資本領
長天風雨發機鋒齊門不分輕彈瑟魯廟何當細奏鏞
未有可分和氣處薰然煦甚自喬松

壽林中書

集前人句成七
言律詩三首

巖巖風采百工師元龍馬精神海鶴姿李宮女猶傳洞

簫賦

劉禹錫

都人今作袞衣詩元幸逢堯舜登賢日王正

是臯夔相國時滕聖主佇知宣室事方甘棠何止郡人

思歐陽修

鳳歷推來恰半千

魏野

高名千古重於山

李師中

降因天下

思姚宋

杜光庭

世有斯文屬孔顏

陳襄

異俗已傳吾父至

李師

中中原今仗老臣安

楊端

爾書幾日來宣室

劉敞

走馬傳宣

夾路看

梅聖俞

四鎮名藩忽十春

歐陽修

平生材術老經綸

王令

古來學問

須行已

王介甫

曾向艱危不愛身

王珪

許國莫疑勲業大

楊端

傾朝共羨寵光頻

韓愈

從今更覺功名重

杜光庭

正是人間

五福人

元絳

代人挽待制

盤盤曾次五車書凜凜朝端烈丈夫詭道至前無肯可
危言及上有都俞熊羆聲撼据闕虎鷹隼氣驕憑社狐
遺直莫容遺愛在王公名字與湖俱

崇安葉薄之先大夫易學得於天而未及傳於
人余竊於執事問焉幸矣敢以相期之意併賦
長句呈似

夢與神遊會自然迺翁於易發先天東周以上更三聖
南渡而來第一傳入室飽參誰舍瑟過庭精進自忘筌
勾稽小詘論思具行侍玉皇香案前

緣督集卷六考證

第二頁後一行

此首永樂大典原缺今從刊本補入

第四頁後四行

秋日刊本作秋意今仍原本附識于

此

第四頁後五行

無去計刊本作為去計今仍原本附

識于此

第七頁前二行

此首永樂大典原缺今從刊本補入

第七頁前五行

此首永樂大典原缺今從刊本補入

第八頁前四行

此首永樂大典原缺今從刊本補入

第十頁前六行

此首及下一首永樂大典原缺今從

刊本補入

十一頁前一行

此首永樂大典原缺今從刊本補入

十一頁前八行

怪為寒所干按干字在十四寒今下

三韻俱十三元且首二句義亦費解似有訛舛無本

可校仍存其舊謹識

十六頁前七行

一行無非占不驗案唐釋一行姓張

氏鉅鹿人行字讀平聲此作仄讀有誤謹附識

十七頁前二行 按此題刊本作江上望永思陵今仍

大典原本附識于此

欽定四庫全書

緣督集卷七

宋 曾丰 撰

七言律詩

賦桃李花 并引

詩人大抵韻視梅而俗視桃李故梅詩最多
桃李詩最少予屢為梅賞音矣今為桃李解
嘲

盤根玉嶺氣形全擢秀霜林雨露偏傾國笑容斜媚日

惱人香氣上薰天
禪僧悟道疑為佛
漁火迷途似得仙
印可幾人成白業
自身寧久墮塵緣

春風已暢上林枝
況得連朝雨發揮
越女嬌紅純任白
楊妃態瘦小教肥
微風遠送難言意
亂蝶潛生不肖機
本是種山瀛渚骨
猶容蛻濁刺空飛

垂絲海棠

春風場裏一嬋娟
情性脂韋氣力綿
外不自持如醉者
中無他歉若羞然
避風妃子身傾靡
承露仙人掌覆懸

正恐梅知固相聘含香自嗅不容傳

春夏之交沿途觸目

筆頭紙上兩無功擁被開蓬眼自空石脈直連江脈去
山光元與水光通春隨草木高低到氣併乾坤裏外充
反顧有吾即無物卓然獨立太虛中

往年休嘆去駸駸只數今年且十旬稚綠已爭欺旭暑
老紅猶強護畸春水平似面因風皺山遠如眉得雨顰
物態到前長是笑不知物態總關身

至沙溪拜六一先生墓

文章事業宋名臣
穎上輕投未老身
葛水衣冠淒欲斷
沙溪泉石鬱空塵
高山踞視廢興事
喬木坐邀來往人
碑未失真公手澤
中餘廊廟舊精神

題文晉卿明齋

磨礱拭拭費詩書
一點靈光與道俱
不缺不圓涵霽月
無中無表徹冰壺
真機已熟虛生白
幻法寧容紫亂朱
照物之餘時反照
故吾殊不似今吾

余以檄出陳機宜往西津候別余阻風不得前
孺子未來汜水上遠公已過虎溪頭佳人密邇不相見
弱水瀰漫那自由非負酪奴辜玉友莫誅風伯訟陽侯
明年訪戴留髭日大白梨花爛漫疇

滕王閣

落霞未厭我來頻一度來觀一度新出沒無時鷗弄暖
飛鳴不禁鵲思春物華幾換江如故沙界長空世自塵
料得西山僊隱輩且憐且笑倚欄人

贈陳養居士

身後相多清議同大歸何者是家風
輕財笑餽三千客重道爭祠六一公
門未生苔車跡滿館無廢帚榻塵空
有人能繼碑中實不與石相為始終

宿撫州之西五十里

逢人問店更前頭竹屋荆籬介一丘
鴻鴈陵風乘欲夜黃花挾雨殿餘秋
茆檐已暗初行飯荒壟猶遺未下牛
莫快明朝入城去詩情宜野不宜州

入舟平流

危機垂跌又平過宿處捫心幸益多
初月曲如鈎倒挂
長江平似鏡新磨四聽羣動語寂中
有一禽呼字訛
萬念俱灰眠即熟終宵無夢入南柯

會昌勸農

官不勸農農亦耕詔書那可廢常行
煙霞自避旌旗色
魚鳥相疑金鼓聲蝶急豈遑追夢覺
鳩閒猶強管陰晴
忙中偷得須臾暇聊借江山答太平

遊春集未成再賦呈趙司法

我來已作一年癡敢問諸公幾許時
客裏酒盃初到口
風前花片半辭枝
尚餘魏紫姚黃在
安用桃紅李白為
公事相尋無了日
得閒莫更負春期

李熙載業儒未效轉為五行家

典謨訓誥飽蟠胸
一字於君未有功
參到五行劉子政
轉為三命李虛中
牛毛有底事非左
蝸角孰何人不東
肯自戚施相從吏
片言可送半生窮

會昌小峴亭有碑侍郎陸公所作也今通守蓋
公之孫廼發家傳為南齋宴坐之計敬酬見教
小峴豐碑大陸書摩挲蠶尾掃龜趺機雲宗派公家是
晉宋文章此外無方被春牽時夢草豈為秋動輒思鱸
行藏俱不違情性在在江山聽指呼

簡隱居陳公儁伯英

士人臭味似薰蘭一度相逢一破顏隨牒抗塵吾著急
弄花踏月子偷閒熟眠無夢到槐國佯醉有人扶玉山

李杜吟魂已長往興來時以筆追還

題戴主簿德成盡得樓

樓與主人俱卓然主人步更與樓遷面前加闢山河地
頭上增高日月天指顧大千俄可度撫循方寸浩無邊
校讎所得孰多寡萬物支離我混全

盤古山

太初盤古造乾坤勇力神筋擘混元妙果雖圓心不有
凡身已蛻跡猶存女媧石帶補天色波利巖餘飛錫痕

想與南安白衣老三生元是一精魂

清風撲袂冷颼颼吹到盤山最上頭石室少開嫌俗看
蓮花時落任僧收銅人閑世幾寒暑木客嘲風誰唱酬
故老相傳半疑信粥盂茶盃慰吾遊

隆興貢院彭國壽以詩見示次韻奉酬

共閱文場幸小休燕齋還我舊天遊青鐙影裏消除夜
黃菊杯中斷送秋此念在家身在客吾行非去坐非留
諸公往往離懷惡曾悟乘流遇坎不

挽王撫幹

江左風流跡已陳，故家餘韻更何人。
雲霄浩蕩開雛鳳，歲月崢嶸逼老椿。
三釜未終身大暮，九泉無憾意長春。
北邙山下重回首，片玉空埋萬古塵。

再遊登滕王閣

故閣崢嶸已劫灰，又看新閣上煙煤。
斷碑無日不濃墨，古砌新秋猶雜苔。
江閣鳥疑飛不過，風輕帆遠趁先開。
天高地迴詩囊小，收拾不多空一來。

晚春告遊人

初春弄色取知音
旁午尊前獻孔壬
紫守不堅紅更怯
風來無度雨仍侵
鶯狂猶望起羞口
蝶老未知求放心
解道不如歸去語
得非知禮識機禽

甘古寺

綠遶青圍春一窩
精廬突兀在煙蘿
地容墻壁剩無幾
山視樓臺高不多
馴爵諳知僧自在
吠犬恠見客相過
古音猶幸黃鸝會
挑我風前一再哦

窮冬逆旅

日月隙中容易過，歸期我與歲相蹉。
雪霜使氣張湯酷，風日容情下惠和。
木葉先凋歸宿早，梅花後發得春多。
輿臺不識吾忘物，猶怪鷄鳴慮有他。

冬夜官舍圍爐傳酒

放散衙曹小，退安閉門開。
架檢書看檐前月色，生窓寂。
屋外風聲長隙，寒灰火撥愁頭盡。
點燼燈挑喜指頻彈。
家人知我飲機動，大白梨花送夜闌。

答厲季平投詩有歸嚮之意

詞場凡馬洗之空學海波中得老龍高韻許誰賡白雪
正聲惟我識黃鐘素王不作無明主賤子何之可附庸
烏鵲正茲徒遶樹鷦鷯還更乞相容

送歐陽瑩中往湖南謁鄉漕

幾回雙脚為親輕未饜其親銳此行白面書生誰一顧
繡衣使者自多情祝融雨後山歸絮彭蠡秋來水中清
收拾還家自金玉從渠喚我太高生

贈鄔文伯

詩與時投未救飢君詩况復不投時紛紛噲等揶揄甚
董董顏徒從史之雅頌國風歸雋永簞瓢陋巷付饑夷
更充以易卒忘物與自然遊了不知

永新道中會曾時仲叙舊

數自傾心結友時幾離還合合還離三年夜話燈知爾
千里秋懷月鑒之黃卷熟都歸領會青雲終不負襟期
相逢有一談不盡前此區區枉夢思

歐陽全真改秩得邑欲其循循為之無效餘尤
銓法如毛動見繩通班歲許幾人登銅章未有路能脫
鶴髮不無機可乘長策報君簪綬忌短檠忘本簡編增
相期循吏傳中事循吏傳中無所稱

甲辰冬辭塚赴官寄曾鼎臣

過家來上塚頭山禽鳥歡呼勞我還石礪猶前溪水勇
風吹不動嶺雲頑管節尚向燒邊翠鬚髮偏從鑷處斑
吾坐奔馳累如許此詩不分魯齋閒

入廣至贛雪霽天朗聊舒耳目

數自離家今幾程半風半雨半陰晴白雲故作開愁色
烏鵲爭為報喜聲來耗得梅為傳送去途惟柳管呼迎
囊中少帶西江雨見說五羊煙瘴輕

赴廣過贛呈劉主管王提幹

世味不分甘與苦吾年未老已俱嘗爐邊醉後暖生睡
雪裏饑餘寒欲僵出處任緣常夢好升沉隨分自心涼
經過少叙江山舊魚鳥多情尚未忘

冬行買酒炭自隨

大寒已過臘來時萬物那逃出入機木葉隨風無顧藉
溪流落石有依歸炎官後殿排霜氣玉友前驅挫雪威
寄語來鴻不須怨離鄉作客未為非

端月

玄冬連日太陰凝醞釀開年滿意晴槁植驚春榮意動
孤飛觸暖偶情生心無外慕溪南牧眼不旁觀壠上耕
桀溺長沮渠輩是休教知我為將迎

買舟至廣至太和逢迂吏

只被飢寒兩字催
輒輕洶湧易崔嵬
篙師方借北風去
驛使忽將南信來
鐘鼎孰非相邂逅
江山何惜且徘徊
松風蘿月良收拾
猶勝垂囊搏手回

送夏國寶

螺山螺水愛其英
屬者分之太少生
不啻海涵胸次大
猶賢泉湧筆端清
百年事已餘長慮
千古功猶欠大成
歸覓知音振貧頓
重來參我勘希聲

舟行赴廣倅書所見示阿槿

南景所陳詩所須彼無盡藏入吾儲百川送海成其大
萬竅迎風受以虛敏則有功鷹得兔勞而無怨獺求魚
物華切莫遺毫末兒輩還猶要緒餘

登浴日亭

五更起望大洋東遠水搖蒼日湧紅暘谷初開羣蟄起
咸池一洗萬塵空頓令穢濁河沙界都入光明寶藏中
事了不知功小大列僊誰是狄梁公

月巖

巖腹剝為半月形全功天且不能成勿嗟圓處便生缺
猶幸晦中堪養明更朔還多終有望受虧已久得無盈
願言鍊石補教足使我衆生眼界平

遊淡岩

混沌誰將竅鑿穿巨靈留巧與人傳坎中着脚疑無地
缺處回頭却有天穴虎將風時出嘯淵龍挾雨夜歸眠
瑤臺清浸無人住應惹瀛洲羽化仙

贈姚季女

七年三度奉從容
今見吾驚大不同
雲霧蟠胸蒸疾雨
雷霆挾筆駕長風
懸知文與意俱到
政要眼隨心并空
度嶺重參過庭學
歸歟容更驗新功

戊戌與彭元忠相別於安城
丙午皆為廣東幕
屬遂獲再集

同郡同年五弟兄
兩人猶幸竊餘生
要閒莫苦追名路
得健休寬落選坑
一別九年頭半白
三城重見眼增明

相從詩酒莫相舍分散何時又合并

梅三首

太清儲氣置南荒非我間生誰足當瘦可以風饒道骨
白難為月飽神光寧教大庾有山色莫管長安無國香
驛使借令不相外孤芬未必合羣芳

萬物無先我得春誰言骨立相之屯御風栩栩臞仙骨
立雪亭亭苦佛身不放喬松為獨行猶容修竹作同人
彼矜香色自孤者不道未離香色塵

受命於天已背時形模骨相歲寒姿馨香事業清風覺
枯淡生涯皓月知簷下橫窓誰領略溪邊照水自娛嬉
嶺南驛使雖相愛送入京華豈所宜

為廣東解嘲

曲江而下水多石大庾以南山半茅相國猶餘心裏印
祖師更剩杖頭包依稀舜樂宜人聽零落韓文任客抄
氣候太偏風土惡今詩聊解古人嘲

四月二十七日登靈洲閣明日前迓新漕回首

望閣賦長韻寄堂頭僧

昨日我登山閣上前村人落世塵中今還望望尋村去
便覺區區與世同眼界那分清與濁心機已破礙為通
搏齋寄語靈洲老莫向空邊更說空

丹青閣

傑觀安知險處佳兩崖幾欲薄檐牙猶餘隙地盛泉滴
不礙長天放物華縹緲以緗霜後葉朱逾其碧水中霞
有聲畫裏難為色謂色為虛又一家

贈李國雄

八載交盟尚未寒相逢何處再開顏
互隨宦牒往來次俱在梅關南北間
臧若諱忘誰是穀觸如爭勝孰非蠻
告違只上加餐祝更祝俸餘歸買山

二伏波祠

長安百二漢山河更遣南征兩伏波
自計有何饒社稷相尋無已枉干戈
一時夸大心難制千載英雄跡未磨
逐客乞靈幾前輩豐碑費我小摩挲

丁未端月南倅率諸同幕遊景泰還至滴水巖
下南倅諸君賦兩詩為倡隨例次韻

海邊城北最高峯
嶺外浮圖第一宮
落葉掃空春乍至
浮雲捲盡日方中
登高已幸容鄒湛
向暖那應笑郝隆
收拾物華壯歸色
囊中不是去年窮

拄到煙蘿最上頭
試詢達磨問浮丘
仙人安往佛安在
木葉自沉雲自浮
胃次不堪全汨沒
公餘無廢小嬉遊
盃盤各稱家豐儉
有即莫慳無莫求

送張叔介

籍甚江西汝水頭功名驅作嶺南遊
當機筆易千人陣得意詩輕萬戶侯
炫晝江山供泛愛酣冬風雨送牢愁
脚靴莫患無堪軟四海多情涂柳州

北歸回首謝庾嶺

五年一住閱三冬諳盡人情與土風
醫拙市空多藥物肉平官又少庖工
大寒氣候初中伏稚子顏容七十翁
天下豈無遊宦處五車不復指南中

寄孫學長孝思

短檠方冊不憎窮到處無錐文字工與我同心如印印
使人意快似風風江山信筆機之熟天地忘懷氣所充
耆舊錄中書隱德其他無以易龐公

吾宗翔叔學詩知方矣與之商確以勉之蹈大方焉

浩劫以來無限詩牢籠收拾若為齊未離聲病即為韻
猶涉色塵皆是題三代後無非漢上百年前豈有江西

子其高出諸公右恐太高時小放低

豁然亭

恍如僊去無來蹤意者騎鯨否御風從惠一身羣有動
委蛇雙眼太虛中從教寶藏空華蓋自與河沙色界融
道是豁然猶未是豁然無色也無空

中都值廣東便馳寄管漕

落在京華九陌塵鏡中無日不眉顰未論妻子其如母
不奈秋冬况復春餒食且將蔬作肉寒炊寧免桂為薪

餘無可獻逐貧賦寄與知音舊玉人

陳子尚滄洲趣

湘江之水青悠悠滄江宛在江中流
猗蘭青青結幽思杜若紛紛生遠愁
前灣瞥見一漁艇何處飛來雙白鷗
帝子不歸煙雨暮參差吹斷楚天秋

寄廣東提幹田子真

初悔投身落海崖擁車猶幸襲蹤來
畏途機械鹿羆虎晏歲風霜松竹梅
分首二年眉慣鬱舉頭千里眼慵開

江山不隔往還夢一夢醒時悶一回

甲辰歲與涂漢英別已酉復相過遽告行固小
留之

轉蓬分手入梅關千里空餘夢往還把酒無非酌明月
鳴絃不復鼓高山忽忽六載重携手草草三杯一破顏
相聚勿嫌寬數日天於吾道意常慳

題南浦萬葉寺瀑布

緬止銀崖瀉玉泉似乎有以使之然素虹挾雨斜搶地

澄練披風倒倚天山不曾分青自斷月猶未落白相連
掬清嚙冷吾能事老不禁多漂欲顛

南峯寺勸農

隊吏衙官出勸農前驅亭午駐南峯香烘貯霧含雲鼻
茶盪吞江納漢胸柳自放慵乘困思花相學醉弄嬌容
老人莫答韶光意盡量相陪酒一鍾

題李子權江月亭

太陰元是水之精與水相宜妙莫名霽夜懸芒翻浪白

澄秋逗彩湧流清
冰輪影裏山河見
玉鑑光中星斗明
萬象主人收拾盡
一樽疇罷一詩成

陳君舉飯余倉司之五峯閣移坐臨檐口占舉
似

傑閣崢嶸著樹間
門從好景未嘗關
檐前朱箔開平遠
坐上清尊答燕閒
能卷塵心三曲水
欲迷客眼九疑山
主人胸次俱收拾
筆力雖饒萬象慙

至衡陽謁陳提舉

邇年前輩又淒涼吾教他無敢主張飲食起居歸道德
笑嬉怒罵出文章南軒間氣初歸嶽北客遺風半落湘
收拾發揮天所屬公餘不可以它妨

夜論詩罷醉相辭公尚留中我獨歸跡似雲泥長落落
心如水月固依依淵明久轉非為是子夏方從瘦覓肥
解后莫孤鑄切望後期未必不相違

到義寧自夏至秋不得家書思親謀歸不遂

散客強名邑大夫琴堂餘暇北窓孤燈前夜雨無寧竹

枕上秋風有戰梧懸望北音思射鴈滿懷東道夢烹鱸
白雲一望二千里羞聽林間返哺烏

陸倕連和三篇見示敬酬其一

信筆揮成五七言敲門豈復作推門江河自有長流勢
斧鑿俱無未沒痕雨帶客愁橫白帝風吹閨怨入烏孫
公於樂府有餘思更為楊妃賦所寃

長韻示阿柄阿杓在韶遣行

遭羅意外罷微官更被歸途瘴見奸僕從陪危諳遣鬼

妻孥瀕死謝還丹回頭海表山如許屈指江西路若干
先遣一書報兒輩吾其老矣幸平安

涂漢英學詩二十餘年矣挾近作來示賞歎之
次俾更印可諸公間

三厄五窮能養詩養之成熟氣渾夷不知胷次是三代
可與筆端為四時收拾性情歸大朴發揮風月出多儀
勘符容有一未合更把大通相轉移

致敬五公祠堂

五公稷契益臯變朝蹟纔安輒復危始信君非難格處
皆言國是有搖時高山日矯行人首喬木時顰故老眉
莫道落南非美事也多添得永州碑

呈臨桂宰歐陽丈

中都倥偬合還離臆料雲萍不復齊官下有緣俱嶺表
社中何幸更江西四民自喜歸摩撫百嶂相爭入品題
嗟我簿書塵裏坐來篇疑是辟塵犀

上魏太守壽

臘雪紛紛天散花餘清不但茁梅芽更添西漢賢良種
聊振中興宰相家雙手幸猶堪活國百年元不在滄霞
壽隨銘勒南山石石可磨礱壽莫涯

簡寄游稚牧昆仲

或許伊川到聖賢弟兄今又學伊川會將不二心傳印
還出無雙手續絃常道書中無大道後天易外有先天
更思猶合下功處有一毫遺未大全

二十年前與曾恭仲為忘年之交歲辛亥值便

賦長韻寄似

我欲華顛爾妙齡忘年不足更忘形弟兄偏是子眉白
朋友獨於吾眼青心若互馳常鑒寐跡如相避各雲萍
十年功已到千古何日酣看又飫聽

送春

春來如柅去如流遲速乘除不自由人道朱明陰見迫
我疑紅葉老知收蜂圍蝶遶爭依戀燕語鶯啼強挽留
惟有杜鵑却相亮聲聲勸道好歸休

送楊子順

誰續寂寥洙泗絃
濂溪一轉至伊川
只今洛派從頭數
之子龜山第二傳
他道已融歸正道
後天猶辨入先天
十年二廣叅皆遍
不以支離易混全

吾教落南無祖師
問誰傳得祖師衣
淵明抵掌今誠是
伯玉搖頭昨似非
相謝十州風月去
自擔千古聖賢歸
歸囊道價重於利
未必燎爇不下機

黃正卿競秀樓

巴西地不愛其珍山影溪光輒自陳霜後竹饒松意氣
雨餘花奪草精神千斯態度出天巧百爾光華歸色塵
好色主人寧外慕反身元自有真春

欽定四庫全書

卷七

欽定四庫全書

緣督集卷八

宋 曾丰 撰

七言律詩

江水出峽

衢婺徽嚴水固豪其如所至與山遭當難進處雖回避
到平時輒怒號出峽衝開崖脚闊迎潮激起浪頭高
乘風終作歸墟去畧湧三山駕六鰲

慶元改元浦城桑田大稔余按視次告父老

農桑初軫素餐憂幸爾天然大有秋壯穗凝鎌黃穠粒
柔絲滑杼白綢繆黎明婦女放鷄犬薄暮兒童歸馬牛
飽煖自聊毋背本輕肥相尚莫隨流

丙辰十月風日積暖浙間花卉俱開

廣中冬氣作春蒸浙土如之得我驚桃李猖狂爭竊發
昆蟲齷齪學微行向南柳可為先進投北梅猶是後生
物理乘除自相補速成未必似遲成

冬晴

一晴初已涉秋殘晴到冬深興未闌不雨雪空聊爾濕
無霜風自甚哉寒出乘氣末羣陰亂歸抱精元萬物安
深想莫如堅坐是還家毋更負蒲團

頽春涉途

曾謂東風意向偏也從僻處放春妍山山長草青無間
樹樹成陰綠不專黠獸幽居疑辟地俊禽高舉欲登天
物情不一吾何擇出處升沉任自然

題李達先靜暉軒

瀟洒一區山四圍朱簾高捲晝陰移三竿已上其誰報
一線初長也自知鼓腹曬書春拍拍蓬頭晞髮暖垂垂
晴窻大得忘機趣渴爵窺盆更不疑

江路見梅懷泉臺留主宰王提幹

強號梅為自在春淡粧貴不失天真園林爛漫空多事
籬落伶俜倒出塵無竹無松自風韻得江得月更精神
清高惟雪可相配次有冰臺兩玉人

呈羅春信

受命鍾材不已涼未論道德與文章晚謀事事成迂叟
羈跡年年是漫郎銳意向前旋磨蟻灰心求退觸藩羊
車中幸有司南柄試與迷途指大方

寄臨汀推官伯壽二首

解官赴調出臨川倒指侵尋十二年文學背時招白眼
功名迂路得華顛胸中要與天相似分內姑安理自然
素業更須頻點檢有無可以上青編

都下燈前別酒闌我歸江國子閩關鯉魚不送書來去

蝴蝶猶將夢往還抵掌伊吾灰壯念折腰彭澤汗裛顏
十年以後來相問收拾俸餘歸買山

庚戌長至稚子杓覓詩賦一篇以警之

芸芸草木色方枯塊塊乾坤氣又虛凋歲似吾華髮後
稚陽如子妙齡初冬寒乍暖宜磨墨日短初長好讀書
一字未之曾究竟百年何者是權輿

過嚴關

誓不南遊今復遊東西雖異等南州妻兒累已何人免

行止關天不自由
伏櫪過陂從野馬
乘流遇坎任虛舟
嚴關猿鳥休相笑
更過梅關笑却羞

再與鼎臣遊龍門寺

初嘆來遊未必重
等閒十載又相逢
壁間古跡塵輕浣
物外初心病暗攻
坐上酒生冬暖意
簷前梅弄歲寒容
半酣僧不須烹茗
自有山雲可盪胸

赴瓊州次大蓼灘風雨交作寒未艾也其勢欲
雪

僕僕漫郎蹤跡孤星星迂叟髮毛疎三千里外辭鄉後
十八灘前問宿初山未容雲思底麗風猶與雪議權與
有蒲團在不能享吾策從今悔讀書

挈家隨牒一陽初視險如夷舟當車轅石罅中魚路寢
楚天包處鴈蘧廬木無棄本藏於密江不辭流受以虛
萬物外吾詩者少惜乎南燕久歸歟

過快閣

一回艤艦一脩然境界非凡人是仙山似乎沉低吐月

江如倒激仰吞天宜州乃事一朝去快閣之詩千古傳
正恐癡兒小癡爾大癡身自與名全

予未遊碧落洞庚申舟行欲再遊不果

奇觀曾邀我命車回車人問景何如山經盤古穿窬後
水據玄冥漏泄初勝跡遺留榮利後塵心昭雪市朝餘
重來雲霧不容人魚鳥相嗔太闊疎

昨與予遊如陳廣元張壽卿江伯記陳通卿皆
已上計矣獨鄒用之鄧繼高猶困阨况今相去

愈遠緬馬懷思因成兩詩各書一通寄之

枕中肘後為渠空效驗如何小不同失馬安知非後福
獲麟未必不終窮紀昌已費二年學造父猶爭三日功
了却酸辛殘事業從教運塞與時通

章貢三年兩到休況今又落最南州思君梅嶺不遮夢
惜別葛溪猶漲愁子為坐窮知理道吾從遭病憶交遊
明年肯為槐花出來省海瀕天盡頭

南海祠東海中有小山可著屋賦詩

海裏山巔著數椽
春容仰止已翛然
仙家自我有方丈
沙界從今無大千
萬物長春天不夜
清風莫逆月忘年
神遊不制夢回興
未了君臣父子緣

題南海神祠前觀瀾亭

巨靈開闢遺遐觀
沙界之瀕碧所環
外國連天疑信裏
前山點地有無間
眼隨羣有自起滅
心與太虛相往還
至止歸歟何所得
心猶有剩覺空慳

宿南海神祠東廊候月烹茶吹笛

祠宇沈沈海岸頭
況逢冷夜耿清秋
風前塵外笛三弄
飯後月中茶一甌
借我孤舟隨水住
乘時一棹與天浮
舊談八月流槎事
豈料今來傍女牛

送劉薰卿

未曾得儔利名場
猶敢犯危煙瘴鄉
大廈嶺高梅挺拔
東莞天遠海汪洋
其凡飽以史收拾
所異剛於詩主張
歸數羣雄可雌視
騏驎誰得擬康莊

四月解官渡海陸出北流置舟在南雄又陸出

擬於小春到家

歸心如矢路如弓坐兀輕車又短蓬
百爾動搖山特立
千斯窒礙水旁通往哉火倒西流影行矣
霜迴北至風
細數離官到家日一年強半在途中

歸途值去客

歲晚乾坤閉未開地中方蟄振天雷
山雲已覺成輕出
塞鴈何為獨遠來失學齊侯隨馬去
甘為墨子叱車回
從今行止休多問有尼安知不有推

自廣至永豐呈熊直卿鄒用之鄧繼高

斷梗歸從南海邊絕長補短恰三年聲音幸未移蠻貊
鬚鬢疑猶帶瘴煙走俗抗塵吾老矣吟風弄月子超然
褐袍可著終須脫鐵研雖穿請更研

解官歸至永豐繼善伯熊寶臣敦禮昆仲皆化
去

新自梅關返葛溪天心不與我心違市塵城郭依元在
親戚交遊過半非紙上銜猶仍舊署腰間帶已減初圍

候門童稚倚廬老幸不空教賦式微

北歸至廬陵過州學前記認舊遊嘆同舍之半
不在也

久落殊鄉今始回學門未改舊崔嵬交遊鬣鬣綠成白
齋館簷楹朱上煤同舍無多登仕路連年已半入泉臺
閤人怪我面塵土不道功名心亦灰

北歸見攝徐聞邑大夫乃舊同官邵雱都之子
為賦詩叙契

贛邑交遊十大夫忘情詩酒邵雱都繭雲矯矯新龍友
栖竹亭亭舊鳳雛燕馬北歸灰晚念海鵬南運壯初圖
由來後好今分付車笠重盟幸勿渝

自廣歸至南康與蔡承之黎夏卿劉成叟相見
轉蓬隨牒入番禺中土交遊愈見疎嶺隔不容南至鴈
水分無復北來魚往還一介動千里終始三年纔兩書
所賴清風與明月時將吾夢到君廬

辛酉冬罷歸至家自省

彼哉言者固云云老矣歸歟敢自文不可以風霜後葉
何傷于月雨餘雲性情與物常為一鷗鷺容吾便入羣
古道從來得今笑天相知外任紛紛

觸物

無我那虞物所侵從教物與我相尋雲頭翻墨任濃淡
山頂潑藍隨淺深春色若空疑有著天工雖巧實無心
可憐杜宇空多淚更笑黃鸝強好音

窮冬征途觸目省身

青陽用事到玄冥萬彙營營幸歲成霜雪不仁偏嗜殺
松筠有道喜含生巢居凍鵲常高遁血食飢鷹輒下爭
自反吾身不櫻物懸知物亦不吾櫻

深冬積暖乍寒

冬令將終尚未霜伏陰猶強遜愆陽連旬逗暖日驕放
半夜邀寒風怒張蟲不開關平引退木無背本穩歸藏
道消固自有時長世事那由得汝忙

赴康州有感

辟書未上意躊躇蠻障無望車騎都允矣曲從人慙忠
往哉聊避鬼揶揄來鴻告至其欺我去燕辭行蓋啓予
南驥厭嘶自懷土東思初不待蓴鱸

至德慶崖下回想松江山

江灣一轉一重山自入江來幾轉灣檄到如風心倥偬
船行似箭眼爛斑三場題目那容緩一切工夫未得閒
夾岸青峯可相約黃花前後待吾還

德慶府城遶以荷池葉榭花繁時環望之紅綠

兩無間斷號為荷城記以唐律遺後來使君

中置金城外玉池池荷挺拔紉芳菲葉爭以綠環三匝
花逞其紅曳四圍龍國續人供佛坐蛟宮縫氏獻僊衣
使君未佛且仙去紫橐朝真紅炬歸

假守晉康出郊勸農

笑下籃輿上畫船百年詩具已遮前川通諸海滔滔是
魚躍于淵圍圍然雲出山頭猶閣雨風行水面不停煙
囊中隨意亂收拾容了勸農歸細編

小隊近郊初省春杯盤繇繇意殷勤叮嚀通國老和少
黽勉及時耕又耘賣劍爾行移爾俗買山吾退了吾文
試於農譜相尋認果是康州舊使君

郡齋與龔濟叔劉薰卿談詩

其柰魚蟲草木何詩之機械也無多氣猶動志平心養
聲可成文泛口哦玄酒太羹君子淡蕒桴土鼓聖人和
鬼神天地與吾一相感相通豈在他

二月三日至鄉山寺

劉薰卿
在焉

金匱要略卷八
置身松下已忘塵況在松之上置身荒壘中盤平卧斗
澄江外抱曲拖紳春熙天色如初醉煙肅山容若半顰
晉郡猶餘晉時事幽人疑是避秦人

廣州登蓋海樓

他求無可洗塵勞蓋海樓餘百尺高十萬人煙城繚繞
三千世界水週遭偏於物外有雙眼正以胸中無一毫
非與海鷗強相入海鷗無自是吾曹

天妃祠

戊辰閏月晉康久不雨禱于聖妃諸祠拜罷
雨大作連日沾洽賦詩誌喜

兩鬢聞時為國蒼况乘五馬小騰驤方當赤地頽皆顧
敢據黃堂心獨涼雷雨影從千里快犂鋤毛起一時忙
少寬漢郡守丞責幸不空餐粟一囊

歲在己未與南康宰周丈君可相別至戊辰復
會于晉康次所惠韻謝之

君詩莫把與同年絕岸孤峯自一邊氣質乾坤方判後

規摹風雅未刪前想思鑒裏縻旬歲自秘囊中擘一篇
留與江西為後社子孫不敢作私傳

增城丞嘉禾張元輔纔過郡輒去未及款曲也
已而同校藝晉康

易學淵源出義方緒餘猶作漢文章名高未及蓬萊島
心遠寧輕鴈鶩行紙尾固無勲可策松間殊有味難忘
諸公論薦休聞早且候珠璣滿一囊

隨牒相逢瘴海邊經從不為小留連藍田畫短子姑去

彭澤春濃我欲眠
近境曾無携具日
殊鄉却有對床緣
天知道大話長意
借我黃花節以前

閒居幽步

歸歟無可答休休
小放吾心與目流
山不去門如自售
雲無留意似他求
有如許栢得能古
都幾何松若箇幽
更有疎梅修竹在
其他莫與子孫謀

桂樓

重屋崢嶸据道周
浪行良勑小淹留
星無匿彩天澄夜

雲不遺瑕月絜秋金氣方張猶重殺物華已結未多收
老來姑置行藏事寫盡襟懷獨倚樓

李叔度與兒曹談道理余竊聽而記以一詩

天地未分先立經自吾道外豈常行伊周孔子直方大
堯舜文王純粹精新犢生時無次剩白牛熟後可縱橫
有言終與一為二予欲無言是混成

方罹殘熱忽值新涼喜而賦反悲秋

晴宵如浸晝如蒸變氣知從激處生風不相饒乘木敗

火猶自負與金爭纖阿洗月為純白少皞澄天作太清
宋玉所悲吾所喜長哦聊復發秋聲

道傍有松為人所剗伐因自弔且憫焉

秋時蔚蔚老樛樛羞與其他木作林獨以高風資衆望
終為明德累初心不容節抗皇天峻猶幸根盤后土深
自有茯苓堪自壽願言黃帝勿幽尋

五言排律

上浙東帥王尚書

希呂字仲行

太古犧媧氏創為琴與笙氤氲混沌噢咻擘冥莖合
氣歸三律分音麗五行未歌先協律無韻不成聲曲度
初焉刊詩機寢以萌朝廷風化洽里巷頌聲盈玄鳥三
夫倡卿雲百辟賡口姑隨所發心自得其平三代德為
政四詩辭見情摯收歸禮義點檢中章程傳久寧無雜
刪多亦已精王通續似贅東哲補疑羸聖事難為僭時
名可與爭道人中曠絕樂府四紛更體變從蘇李枝分
入遜鏗春容七字律挺拔五言城老杜收全氣新功集

大成統經唐末亂派轉國初清歐定聖俞價蘇成山谷
名江西容入社天下指為榮顧我耽餘習如今費半生
閒中無益作醉裏不平鳴改罷令兒誦吟成喚客評稿
肝隨血嘔枵腹欠書撐亂藁囊成癭狂題壁被黥捫心
終鹿鹿揜俗強錚錚要得誰然否能為我重輕宗風晉
王導詩學漢匡衡廢食毛錐子忘年墨客卿風騷潛出
入古律恣縱橫造化隨機掇江山與筆撷千年傳有嫡
四海敵無効妙韻敲三籟徽音遍六齋何當被金石直

可薦宗祊宿傑饒先駕新英聽主盟聞韶醒耳闕慕蘭
倒心旌偃僂循涯進慇懃曳蹠迎觀天醢甕坐持斧郢
門呈魚未經燒尾龍猶要點睛金篦輕發膜銀海驟增
明肯作招風木甘為附驥虵龍門難得到王府不妨傾
訖我無嫌富山巖可以盛

別陸德隆黃叔萬

歲在辛丑始識陸德隆黃叔萬於江西帥辛
大坐上握手論交而去戊申又會于中都德

隆得倅夔叔萬得宰公安言別次課贈之

辛丑隨浮梗鍾陵得盍簪潛藩門若市斂板客如林氣
宇黃陂闊詞源陸海深二豪談正劇一坐口俱瘖詩社
初容入交盟後失尋雲山千里眼鑒寐八年心九陌迎
連壁孤燈話斷金始猶疑面目徐復記聲音鰕菜隨宜
簇茅柴取意斟行藏更見告文行互相箴憤敵常旁午
憂時半孔壬清風晨揖袂明月夕離襟發纜東流岸迴
檣倒景岑荆江隨地卷蜀道與天侵通守諸侯土專彈

百里琴長才優撫字暇日少登臨隱士隆中卧羈臣澤
畔吟青城山鬱積赤壁樹陰森哀樂歸巴曲興亡入楚
砧把杯空弔古搔首重傷今擁戶鋒車急開緘詔墨淋
檣頭高拱斗別手上捫參可畫安邊策無韜活國鍼寸
心丹未了雙鬢白那禁顧我傷彊矯從今判陸沉磨礱
閒筆研摹寫亂魚禽氣反風騷朴聲收鄭衛淫吾伊樵
道上歎乃釣磯陰拔茹終無忘彈冠老不任移書相答
謝吾突誓長黔

贈別滕州法曹南劔張仲明

天上張公子名家更好修文章虹貫日意氣鶚橫秋
桃李春風發桑榆晚景收丹心猶似在素業未容休
黃卷堆胸次青雲出筆頭少迂蓬島步聊作嶺南遊
穩口開三語平心活一州陰功終有報會見襲封留

送五羊魯仲卿改秩受縣南歸

近派家于粵初封國自鄣要無非我族終不是它
魯閱譜宗盟重聯官事契增居常多阻間僅獲一
瞻承逆旅

重交臂高談屢撫膺秋風樓上月雨夜案頭燈把酒相
兄弟論文復友朋衆星朝北斗羣翼讓南鵬墨綬恩光
爛花城喜氣蒸宜民條教出溢耳頌聲騰鶚牘交飛上
鸞臺緩步登難中須有立妙處要無稱顧我羞低首從
今樂曲肱未忘為吏隱猶學在家僧念舊寧無感馳書
恐不能官高餘健走可遣到廬陵

擬試以蟲鳴秋

大化轉無休蟲那得自由暗中誰擘口間裏共鳴秋氣

感蟾蜍冷聲歸蟋蟀愁幽閨勤杼柚遠塞急衾裘豈不
便鉗口而猶強出頭啾啾竟無益也勝喚晴鳩

五言絕句

方稚川恕齋五絕

求仁亦多途取近惟一路內恕以及人知君用心處
安宅曠弗居浪自分彼己儻由恕門歸天下一人耳
此道固非淺聖門兩三人佳名長在眼無實勿為賓
一心貫羣倫乃是吾祖事耳孫不繩武愧子兩大字

視後而著鞭書此以自儆一言行終身要處君已領

寄內

已復山上山何當口中口寫茲秋下心寄我女邊帚

七言絕句

眇空閣

妙山孫元濟建閣江瀕以館往來士大夫余

取韓文公瞰臨眇空閣之句題以眇空賦三

絕句

萬里江山遶畫欄
要猶未離色塵間
眼高更不著羣有
獨與太空相往還

未慣觀空空可觀
更參向上一機關
大通與我合為一
眼自有餘空自慳

真空元在我胷中
自外觀之枉費功
孰是主人參透處
也無實相也無空

值侯脩學趣儒人
稍急因遺蓮花蓮
實西瓜於
吾宗翔叔作詩以勉之

絳玉裁花碧玉莖
亭亭香遠韻逾清
羣仙競倚西風笑
為報臨淮政已成

珠房顆顆綠英英
興味超然芹藻馨
不必鐵槌搗碎却
苦心應念子衿青

紺色毬兒護水晶
味甘如蜜冷如冰
香風飄滿葵丘戍
散與鴉林解鬱蒸

道旁松

撼雨號風太古音
道中豈作買臣吟
火雲蒸雨無逃處

乞與行人數畝陰

題悟性寺卧雲堂呈源上人三首

僧與白雲同住山夢同雲出覺同還勿移枕席下堂去
堂下吾疑是世間

一片閒雲逗半空僧閒况復與雲同夢中不問華胥路
直出無何入大通

渠儂高卧傲吾徒不道吾徒反傲渠渠不得雲無卧處
吾元自與太空俱

試宜黃侯湛墨

跨竈傳家祖赤松
吹煙授道悟元宗
初懷不擬潘衡貢
晚趨寧便薛稷封

逢時不敢愛玄香
摹寫堯文畫舜章
天地已歸經緯裏
豹囊深處自含光

通濟橋

何年彼岸幻長虹
接引羣生入大通
彼此東來無間斷
度人了後勿論功

通往通來無四旁津梁未必不相妨
吾行拗折橋梁柱
盡放途人蹈大方

題水牯庵

堯自牽羊舜著鞭雖勞未必適
羊天君今馴養犢成牯
飽卧太虛遊自然

三十餘年不踏泥其如猶有角
和蹄何當紀消重馴養
四十日間如木雞

留別金陵故舊

公家事畢更何為迴眷錢塘臂欲飛留客故人雖意厚
倚門有母待兒歸

次韻楊誠齋雪中

夜閉袁門晏未開開門滿目是瓊瑰木綿著地還飛起
柳絮沾人倒撲回

雪兒初是玉仙妃謫墮人間尚縞衣撲地狂風相袞起
疑乘白鶴刺天飛

次韻酬姜邦傑雪中見寄

十人賦分九窮寒古說天慳今不慳一夜盡開多寶藏
施銀為地玉為山

秦望山

六國英雄已坐擒更何所望此登臨真成馭鶴乘鸞去
未慳秦皇好大心

銳意秦皇初學仙要和雞犬也昇天那知身與鮑俱臭
嬴氏吹寒不復煙

代墨客卿自賦贈安城彭雲翼

決策初如媚竈然觸機融理悟吹煙從教時尚白之白
自與道俱玄又玄

同為時用楮先生萬事須臾點化成寄語先生幸相避
不須白黑太分明

贈筆工周永年

豈無毫忽補于時用盡初心卒見遺不拔一毛徒自利
楊朱作計未全癡

初心聊欲以文鳴開國何曾夢管城借不中書非所歎

秋毫元重泰山輕

寄題張子登遂勤齋

一字于吾補不會詩書况味冷如冰誰家以此為長策
不把其它易短檠

鍾鼎軒裳眼應白餘猶要得聖賢力意誠身正一家齊
門中自有華胥國

太平老豁庵

父母胞胎未結前趙州識後笑南泉豁然道與虛空似

不道虛空似豁然

道旁梅

本隨驛使上長安
非到中途意便闌
為念征夫行旅苦
與生滿舌遶牙酸

